

船

山

詩

草

船山詩草卷十四

遂寧 張問陶 仲治

奇零集

丁巳

丁巳九月襄斜道中卽事

舊說還鄉好，今傷行路難。  
連村有戈戟，歸將只衣冠。  
谷暗民風雜，天高日氣寒。  
帥多功愈少，西望淚空澗。  
禍始征苗役，懸兵動鼓鼙。  
荆襄摧虎帳，河洛潰金堤。  
潼谷軍聲亂，巴山戍火迷。  
漢中憂不細，珍重武關西。

紫柏山謁爾侯祠

不礙生天事  
兵機卽道機  
爲人成大業  
許我遂初衣  
孺子今誰教  
仙才古亦稀  
青山來往熟  
相對更依依

南星

霜白凝山曉  
出門星一天  
狼煙千嶂外  
鴻爪七年前  
衰柳猶秦鳳  
行人卽杜鵑  
嘉陵秋水闊  
流影亦蕭然  
夜發大安驛  
趨黃壩

燈火穿林夜  
悄然馬蹄歷  
亂渡三泉秦  
人何苦通巴  
蜀萬古青山  
哭杜鵑

亂山還要五  
丁闢攬轡如  
登百丈臺猶  
有雞聲催曉  
月破空飛雨  
忽東來

行盡羌夷百蠻鄉雲明日七盤關西師可抵歸人  
剪風雨兼程十萬山

九月十九日峽中遇警三更發神宣驛天明  
至朝天由水驛趨昭化

古驛荒寒驟點兵近來籌筆只虛名霜鴻飛處秋無  
色風鶴吹來夜有聲峽底爭舟孤擢險雲中傳柝萬  
山驚白衣倘許參軍事敢爲枌榆惜死生

戊午

成都人日不寐卽事有作

戰伐悲人日羈棲負錦城去留應有數聚散豈無情

婦孺書難問庭幃別太輕臨床尙坡賴對語惜平生  
安危嚴僕射親弗杜邴公鎖亂民能服談兵我亦雄  
艱虞情話少飛伏苦心同烽埃何時撤遙遙將帥功  
王郎任天壤羣從自多情緣好惟姻婭交深卽弟兄  
撚鬚新鏡影圍几舊書聲彈指中年近憂時酒細傾  
風雅真無奈園林負手看破愁花影妙說夢水聲寒  
意到原非著詩來信不難塵勞終自誤何地訪元丹

夢中二絕

一枝風颭酒旗斜才轉山顛又水涯晴雪平鋪三四  
里驢鞍清冷見梅花

飛花如霧點新苔樹杪紅窗次第開已近樓前還負  
手看君看我看君來

正月十七發成都口占

書卷長拋劍不磨幾無生趣強婆婆事難忘我情終  
累口易談人論總苛何處能容真氣出近來深悔負  
心多關山瘦骨支離久爲語青驢子細馱

戊午二月九日出棧宿寶雞縣題壁十八首  
羣盜如毛久未平棧雲來往一身輕干戈草草催離  
別嬌宦勞勞累死生有用年華拚棄擲無聊家計費  
經營關山銷盡輪蹄鐵猛虎磨牙看此行

石磴紫紆戰馬龕入山符疊辟兵符殺人敢恕民非  
盜報國真愁將不儒豺虎縱橫隨地有貂蟬恩寵愧  
心無荒寒驛路匆匆過焦土連雲萬骨枯

輕裝休問辦裝錢短堠長亭望悄然燐火飛殘新戰  
壘枯骸吹斷舊人煙此中計命惟奔馬何處招魂不  
杜鵑大帥連兵甘縱賊生靈塗炭已三年

窮山避亂敝軍門威望遙遙萬馬屯不戰豈能收殺  
運無功先已負君恩祇聞怨毒歸諸將可有心肝奉  
至尊一樣沙場征戍死模糊敢信是忠魂

功罪朦朧令自寬苞苴餽贈且偷安民窮轉覺軍中

好寇過惟從壁上觀俗吏飛騰推挽易妖氛飄瞥送  
迎難逍遙無暇談攻守不及鄉農早議團

故事虛張諭蜀文懸軍安養募新軍山中城破官仍  
在閭外兵譁將不聞大賈隨營綠我富連村無寇是  
誰焚烽煙未掃偏流毒萬鬼含冤指隰雲

連城閉後萬山荒忍棄郊原作戰場賊有先聲如唳  
鶴官無奇策任亡羊飄搖鴻雁飛難緩潦車弓旌氣  
不揚猶勝驕淫諸將吏移營終歲避鋒鋌

憂憤書來處處同故人幾輩尙從戎能文未易參軍  
事有口都能說戰功爲我經心籌去住看君彈指變



窮通東溟西域曾帷幕猛將還應憶海公

斷無苻拔混麒麟大酒胞羊誤保身攘劫翻誇裨將  
勇需求誰諒縣官貧賊能退舍尊廉吏令敢梟渠起  
義民祇爲英雄惜成敗論兵安肯恕庸人

莫倚重關護益州時危曾困武鄉侯誰看鴻鵠猶扶  
耒人佩刀韃早賣牛戰鬪心疲千帳冷驚呼聲亂一  
城秋老師糜餉成何事宵旰空貽 聖主憂

三川人滿欲烹珠曾問今年米價無餉道幾難通劍  
閣商船新已斷夔巫蟬連糧運舟車險錯雜民風士  
馬麓猶幸未搖根本地尙畱嚴武在成都

漢沔東流雪未消軍符絡繹馬蹄驕倉皇鬼蜮來無  
定破碎峯巒望轉遙地險不聞由我據城危幾度看  
人燒商於何止關秦楚隴蜀河潼路萬條

嫠也橫行起禍胎桃花馬上看重來不貽巾幗先逢  
怒欲辨雄雌已自猜黃鵠特翻貞女調白蓮都爲美  
人開請纓便是秦良玉可惜征苗失此材

千里奇峰接宕渠才聞王

三冉文槐壽

又高

均德徐德

城狐

中夜聲相應穴鼠空山技有餘焚掠難歸皆盜賊風  
波未定且吹噓傷心已亂無全策祇仗天威盡勦

除

議撫招降計已施凋殘民力久支持不明賞罰終何益真舉才能倘未遲將相有權甘自棄英雄無種要人爲孫吳兵法非天授誰竭誠謀報主知

纔過黎州又鳳州含情重問草涼樓磨驢步步皆陳跡風柳條條是別愁花鳥三春禁雨雪關河千里見戈矛元戎誰有書生膽快馬輕刀自遠遊

長途心緒久寒灰蜀壘秦關去復回兩地有家離聚苦連營無路夢魂猜幾人還唱從軍樂何日真逢撥亂才行盡殘山重歎息年時已是賊中來

夔萬巴渠鳥路長通秦連楚鬪豺狼天如有意層邊

微我忍無情哭故鄉八口艱虞猶劒外一身飄忽又  
陳倉風詩已廢哀重寫不是傷心古戰場

渭水待渡遇王恭壽 永年 孝廉喬梓

翁是還鄉我客遊關河聯轡望幽州百年婚宦銷磨  
苦幾輩安閒到白頭

將才磊落秀才文繞膝龍鸞妙不羣迎得安車歸去  
好路人爭看武夷君

風陵渡河舟中作

歲月供奔走勞勞僕馬間去來真萬里戰鬪倚千山  
孽海修三世神丹望九還不知兵火後身事幾時閒

三月四日發獲鹿將渡淖沱道中作

并陘餘雪帶溪痕春柳濛濛指店門又聽馬蹄聲歷  
落一彎雲棧下安村

行盡關山路轉長塵沙周道影茫茫每逢驛使驚心  
久只恐飛文爲故鄉

戊午三月自蜀至京師王春波以桃源圖見

贈題句誌之

君畫桃源我賦詩閒情何必外人知塵緣再誤仙緣  
隔只在漁郎返棹時

自去春移居夢庵已一年矣萬里重來慨然

有作呈夢庵

八口相依竟一年交情應並古人傳  
干戈不死真可絕婦孺重逢尙儼然  
握手無慚終始約傷心深結弟兄緣  
風詩點竄揚風義鶯谷鴿原意萬千

戎馬歸來氣不雄家人仰屋話高風  
已拚我是拖腸鼠翻累君如負蝨蟲  
好友心情原磊落窮途恩怨敢朦朧  
居深轉覺鄉愁迥何處蓬蒿半畝宮

戊午三月重到京師四月初六日移居賈家  
衡衡作

一身如社燕秋去及春來故國猶多壘  
新巢迥自猜

飄搖生已贅幽隱志難灰夜共金仙語輪迴定幾迴

東坡笠屐圖

鬚鬢蒼涼異代看古人風骨本高寒縱橫奇策才終  
累憂患餘生遇轉安海嶠飄流原噩夢村農談笑亦  
清歡烏臺舊案分明在欲寫新詩下筆難

懷古偶然作

有志且求勾漏令無功忍作赤松遊詠諧未易窺方  
朔家國安能誤鄴侯一代榮名由我立三生慧業要  
人修塵勞便是神仙藥何處蒼茫問十洲

上帝居然召長吉世人誰竟殺青蓮不真天折非才

鬼豈有功名到謫仙大坐無心看白晝小詩隨意問  
青天窗中噤管江中月萬古靈光在眼前

意氣我推王景略功名誰似馬賓王乖厓應變胸無  
竹小杜談丘筆有霜信史他年猶毀譽奇才幾輩不  
疎狂危言更惜陳同甫知勇虛生死建康

憂來檢點并汾策醉後摩挲寶劒篇莫泥小廉輕郭  
震好除常格用齊賢將才落落搜求苦殺運沈沈造  
化偏誰爲英雄寬轡策任教談笑靖風煙

揚馬枚鄒總盛名鴻文無用卽虛聲最難痛哭驚天  
子真有長才輔太平爲感鬼神悲遇合偏逢絳灌誤



公卿西京人物多儒雅經世終須讓賈生  
未許干時許相時風流儒雅信吾師一編溫厚宣公  
疏幾卷和平白傳詩治亂難言歸諷諭文章入妙戒  
新奇中材趨尙原無定只仗賢豪爲轉移

鸚鵡

羈棲有鳥別山樊無力高飛想故園身媿鳳皇聊目  
舞舌非鸚鵡亦能言黑衣擬附盤雕起黃口應憐語  
燕喧兵馬東川方校獵空林何處任翩翩

自題青棠客舍寄亥白兄

四面長林一院花軒窗經雨任欹斜人憐湫隘三間

屋我愛尋常百姓家華表驚心幾化鶴故鄉堆骨正  
如麻悲來欲獻平戎策夜仰危檐手自叉

題朱少仙繞竹山房圖

風竹萬枝寒深居惜歲殘酒腸任芒角詩境肯平安  
老屋應重補焦桐正獨彈臨池峙山月四面籜龍蟠  
高西園指畫山中雪意爲初願園通政題畫  
作于雍正乙卯

泥鴈草草寄仙蹤畫意枯寒雪意濃乍動奇情忘筆  
硯妙無成格礙心胸盤風鴉點黑如雨觸手松鍼飛  
作龍六十餘年一彈指爪痕傾耳尙鏗鏘

指頭畫蓮贈少仙

化工原也費心裁  
水養靈根露養胎  
忽悟此花清淨相  
一彈指頃一如來

初秋一首寄亥白兄

青棠花散已秋聲  
伏枕思鄉夢屢驚  
座客每聞規酒過  
家僮私爲競詩名  
奇書久賣心猶戀  
舊畫重摹手未生  
碎墨零練消白晝  
壯懷無地說長纓

畫山水自題

萬嶺千巖畫幘開  
洪鑪何處有胚胎  
要知天下奇山水  
都自無心結撰來

張八愚桓同年煙波垂釣圖

真向烟波日往還此心終讓鷺絲閒  
塵寰那有清涼處仙境惟憑夢想間  
魚赴琴聲尤踴躍水縈花影亦斑  
斕披圖便是江湖樂何必扁舟西塞山

流寓一首寄亥白兄壽門弟

流寓真無奈思鄉書掩闌  
秋花有紅淚隣樹卽青山  
道險家難併詩悲字屢刪  
雄心中夜冷身世忍蕭閒  
好友

好友原如命相求未忍疏  
門無利牙犬案有痛心書  
財竭生難治醫庸病不除  
一身憂患後集益肯踟蹰

咏蜋

戈甲錚鏦怒有聲  
草泥無地不橫行  
魚龍冷落都沈  
海湯鼎蹕踟倘擁兵  
人擬持螯爭大嚼  
我期忘味赦羣生  
文章莫感尋常夢  
回首臨邛惜馬卿

朱少仙陳小筠招飲魏染術術店中卽事

醉許忘形酒易招  
故人詩筆況超超  
一升仙液蒸蓮  
子萬種秋心上柳條  
紫蜋漸肥魚味減  
黃花無信雁聲遙  
店門車馬忙何事  
有客言愁正寂寥

趙子克采芝圖

稚栢樓松望灑然  
華芝隱秀想千年  
三奇恰會時應

采五色常迷見有緣如此襟期真澹遠卽看圖畫亦  
神仙相隨擬執吳唐草符檄重開幾洞天

蔭山齋中作指畫分韻得張字

脫手萬山蒼峰竒恃爪長心胸多壘塊毛髮亦開張  
捻弄人如豆爬羅樹有霜天龍本無法豎指問空王

題朱野雲畫

載鶴訪梅花推船出江步渺渺水千波遙遙梅一樹  
鶴爲伴高人不然早飛渡

自題一微塵精舍

屋小剛容我勞生此一涯畫山終日對詩筆數枝斜

庭響鄰家棗書乾隔歲花晚涼誰送酒風葉助煎茶  
野雲作畫贈陳耐菴夢桂先携以見示因爲

題句

繞屋清溪漲雨痕荒苔高樹古鄉村聞時帶月撐船  
去自有白雲來閉門

七月晦得劉松嵐寧遠州書云久不得足下  
消息前日松江張古邨去寄書玉松問之又  
恐玉松已回蘇州書不得達足下消息不得  
而知也中元日送報人來知玉松未去船山  
已回都下私心且喜並聞船山有出關之意

重過青厰舊宅

當時小飲遺桃核老樹俄經十五年  
窗底鉏聲尋不見一身如夢到花前

十載音塵閣九泉年時重爲卜新阡  
幽宮也有移居

歎回首青山一惘然

周孺人以丁未春葬遂寧北郭嘉禾橋墓濱浚江恐厄于水丁

巳十一月廿日移輓歸葬兩河口祖塋

遣悶

甜紅鄰棗一枝低  
小雨迎涼絡緯啼  
新酒未溫盃影  
潔秋衣初辦剪聲齊  
書殘儘費閒心補  
畫好時防俗  
手題過眼詩名誰自保  
縱教紙貴莫災梨



寄海客四兄常州代柬

容易流光十七年  
人間草草弟兄緣  
升沈總被閒愁擾  
消息猶憑衆口傳  
君到江湖終是客  
我來蓬閣已非仙  
飄零恐作吾家例  
西望蠶叢一惘然

幾載思君黃鶴樓  
近聞流寓在常州  
斷難飄泊逢青眼  
猶幸團圞慰白頭  
藥裏關心除宿疾  
文章隨分客諸侯  
清狂必竟妨生計  
潦倒詩名我漸收

千里妖氛繞雍梁  
三年狐火太猖狂  
親朋忍問枯骸際  
禾黍誰收戰馬場  
惱我家書憂劍閣  
阻君歸夢歎瞿唐  
艱難一樣謀衣食  
還恐他鄉勝故鄉

麻衣風雪據征鞍萬里迴環蜀道難去日已存身後  
想重來祇作夢中看零星八口何時併憂患餘生敢  
自寬賸指青山相慰藉松楸高下各平安

金瑤岡芝原舍人一百二十本梅花書屋圖

種梅環屋幾周遭一笑巡檐興已豪行密妙手無次  
第根多終是各孤高乍開晴昊春如海亂灑寒香雪  
有濤倚遍瑤林清夢穩外人休認武陵桃

碧苔隨處好眠琴雪屋清寒望轉深花澹不妨添數  
本人閒偏是愛孤吟畫圖偶遣中年興鐵石誰移萬  
古心我爲留題獨惆悵幾生尋得此園林

題陳蔭山借樹山房詩草

綸閣樞廷日往還風標終似野鷗閒雲箋書破心誰  
印秋卷裝成手自刪海外生才原不世詩中作閼肯  
無關枯吟枉說南歸好借樹猶難況買山

題堊雲書

一院秋苔不埽除風前紅葉漸蕭疎虛堂終日無人  
跡老樹低頭聽讀書

題朱堊雲葦間沿綠之舫圖

畫几微搯開小宴杯心酒凸研屏低軒窗破落閒來  
補紙筆縱橫醉後題架有圖書是家具巷無車馬卽

喜不可言寧遠有一書院大觀每歲捐俸五百金爲先生束修如得足下居此席諸生之福亦松嵐之福也錦州太守見修府志屬大觀物色高手如足下有寧遠可一舉兩得妙到不可解矣千萬禱祝八月初旬假裝如盤費無措不妨向人借貸一下車卽寄還也盤桓數月臘底回京明正與夫人同來亦免兩地牽挂爲足下計無如此策之上者幸決計早來以踐斯約書去之日卽僂指盼行旌矣時予以他事羈身不能出關感故人之德作

詩誌之卽寄松嵐代柬

不善謀生友代謀深情傳語大綢繆聽來老嫗心皆  
感算到資裝計已周何止窮途恩一飯分明高義動  
千秋羈栖忍負書中約幾日搔頭望錦州

大海橫濤鼓萬山尋詩也合出雄關世惟好友偏難  
聚人爲真窮轉不開潦草鄉書驚噩夢飄流家累損  
寒顏干戈才脫妻孥繞何處閒籠放白鷗

也知身世等浮漚已布殘碁苦未收不信化人真解  
卽看彎水尙勾留無奇我亦遼東豕自在誰如海  
上鷗一樹青棠空對客旅愁難遣又鄉愁

訟庭人散卽山林老吏窺窗看苦吟千里窮交如在  
眼一州民力定關心花明孤竹清風遠水繞句驪夜  
雨深但是廉泉分亦可冬衣猶望辟寒金

讀汪劍潭

端光

詩詞題贈

詩材詞料總兼金檢點閒愁醞釀深宛轉九環隨妙  
筆橫斜五色繡靈心敲來瘦骨誰知馬聽到哀絲欲  
廢琴手熱名香低首拜廿年巖笨悔狂吟

題翁宜泉元明十五權棉本冊

元權有總管府及真定路

益都路大都路官儒等字又有蒙古字多不可識明權有工曹及應天府濟南府杭州府南京等字皆有年號

閒評銖兩爲編年手楊元明十五權一路哭來猶賦  
稅九州財盡亦雲烟頑銅不醒興亡夢奇字聊存翰  
墨緣秋雨乍涼宜兌酒會看磊落杖頭懸

達摩面壁圖

面壁無言萬念空我推摩祖是英雄須眉原未分僧  
俗定慧何曾有異同常惜吾徒多執拗轉譏彼法太  
圓通紛紛文字爭三教禪障儒酸總夢中

儒釋門前十丈塵談禪詆佛太津津題詩也是安心  
法對畫寧無斷臂人花妙偶然開五葉山空早已見  
三身冷闕原爲蒼生坐衣鉢誰傳未了因

山谿荒寒風趣休拋却樸棗聲中日又西

宋棣生

鳴琦

禮部棣下生

滿衣涼月影橫斜樹底閒吟手自爰不負君家舊風  
骨春寒長對鐵心花

還如何遜在揚州詩味條然迴自由一樹寒香同寫  
照此生已是幾生修

八月廿四夜讀劒潭見示七律三首憤悶竟  
夕依韻書懷各歎所歎愛皆有生之累耳

楞嚴誦罷強踟躕慙媿天親受髮膚矮屋夜明簾不  
捲破窗風定紙重糊細籌家國心猶壯澹對妻孥影



自孤大夢沈沈拚醉死幾人同命官相扶

經年一刺懶逢迎禪悟詩魔句偶成彼法兼通真夢  
醒我才無用亦天生名畱人口終非福身謝塵勞轉  
不情佛入涅槃仙出世妙心如冰自空明

續讀卡笏小書堂指點圖經有四方隴蜀荒寒風雨  
惡江湖積澹水雲長天催急景霜初落千數繁星月  
乍涼亂捲輶鈴堆作枕夢魂無夜不疆場

雨中宴坐呈劔潭

向來哀樂杳難尋小坐移時又古今秋樹有花皆慘  
澹夜天無月更深沈每看華髮空搔首默誦黃庭已

累心京國頻年風土異綠苔經雨遍牆陰

鄉愁五首戊午八月作

三巴連歲苦于戈柰此秦關楚塞何賊勢蔓延民自  
優兵權星散將空多優柔造劫收新鬼游戲禳災起  
大讎成敗教人無處論師勞財匱儘蹉跎

見兔亡羊亦可哀今年猶幸勤侯來年新壁壘揚兵  
氣竟奪豺狼剖禍胎從古事權難統一此時功罪莫  
驚猜上公懋賞談何易珍重推恩起將才

風霜彈指又深秋烽火連山苦未休戰鬪不聞諸將  
猛飄搖難解故鄉愁書通雲棧無黃耳夢到沙場已

白頭銷盡名心心血冷世閒何物是公侯

巴渠秦楚亂山深羣盜終難隻手擒  
關鍵自開憑聚散鸛鷺無隊互浮沈  
蛇遊漢泗千軍嚇豕突均房萬馬  
暗欲問西南諸將帥此何如事不同心

書生牢落敢談兵爲感深思竟不平  
失算斷難歸劫運負心偏易竊勲名  
朝廷戰勝寧無策將相心調定有成  
積忿填胸蠲未得青棠枝下淚縱橫

和劔潭病中韻示原韻

秋堂人病悔多情天忌才名罰有輕  
攬我心如兵四合誦君詩勝佛千聲  
山林有約誰孤往帶佩無功卽

夜行萬象奔騰空過眼神功惟與一心爭  
蟬癡螳黠總飛鳴歷劫難修心太平負苦因緣纔不  
死是真仙佛定無名雲中老鶴閒終好石上神芝病  
始生大藥荒唐醇酒毒夢甜休被俗人驚

仲秋閒居呈澗曇

未必鳩巢滅鳳巢世緣家計幾推敲手能殺賊難投  
筆口不言貧任絕交有用書藏深夜讀無心詩累故  
人抄夢中點易思君子地水分明凜上爻

攤書謝客性情孤祇惜靈臺少慧珠論世偶參諸子  
說談兵有信六丁符生財路斷身猶在學道心麗世

月一言集卷一四  
已無久坐亦疲行更懶始知筋骨要神扶

秋陰和澗墨

爲安貧病養疎慵幾日秋雲閣雨濃  
熟客不來知債積方書偶檢覺醫庸  
低窗泯泯花將老大甕醕醕酒尙封  
伏枕無心作重九豪情誰更賭千鍾

病目匝月戲作二律呈劒墨

病眼模糊避短檠何來青白太分明  
目空一世何妨瞑心印千秋定不盲  
有限靈光終自損無端熱淚爲誰傾  
枯桑殘菊相料理如畫泥龍要點睛

揩肘晴窗百事疎一庭秋月近何如  
詩成腹臆吟湔

經酒斷心香氣不舒裂皆無人驚壯士回光許我情  
仙書金鏡未刮增惆悵蔽日浮雲愛掃除

題陳曼生 鴻壽 珠泉讀畫圖

濟南風景天下傳勝遊況是珍珠泉秋堂讀畫遂終  
日夜火烹茶殊未眠苦竹甘蕉各滋味明窗大几皆  
去煙逢逢衙鼓自朝暮此處雅人無俗緣

秋花

搖落無情尙有花愁紅慘綠定誰家偶憑舊雨尋詩  
草澹對秋霜感鬢華幾處空桑經戰後一枝衰柳寄  
天涯春前枉種閒桃李枯樹斜陽數點鴉

採菊歸來尙憶陶，金天花氣亦清高。  
人傷晚節情逾闊，詩歎重陽興不豪。  
叢桂香寒招隱士，枯蘭心死怨離騷。  
秋原剷盡培根土，躍馬呼鷹看爾曹。

樂苑秦宮次第荒，到無人處看秋光。  
離愁南楚悲湘芷，血淚西川弔海棠。  
自是魚龍歸永夜，不關鷓鴣妬羣芳。  
榮枯原有天然劫，我對濃春已斷腸。

開盡疎紅又冷紅，牡丹何福遇春風。  
孤根泣露香垂死，萬葉經霜氣一空。  
縹樹漸忘攜酒處，醵錢猶訪賣花翁。  
華堂別有回天力，剪綵窮秋補化工。

重陽前一日澗壘以讀亡友黃仲則客中聞

雁詩感賦一首見示分步原韻呈澗雲

飄搖南北儘風沙一片秋霜感歲華  
節候自更長作客去來無定若爲家  
鄉書淒斷數行字兵氣蒼涼何處  
笳辛苦銜蘆避繒繳稻梁謀拙飯難  
加仲則韻關河南望去難休寒影紛紛散幾州  
哀此勞人無遠志憐他飛鳥尙征愁  
嗽雲弦月經千里露雨霜翎過一秋  
久住幽燕歸思窘背燈聽雨夢滄洲  
澗雲韻

戊午九日

登高無約負重陽不敢看山說故鄉  
詩意任教租使敗兵災難藉菊花  
馥西風憐客還吹帽冷節催人罷



舉觴回首去年戎馬急萬峰迎我到陳倉去年重九在寶雞將入棧

畫鷹自題

紅葉蕭疎騰幾枝秋風無力雨絲絲草閒狐兔縱橫極正是蒼鷹側目時

畫僧自題

三五殘僧聚一龕凍梨無色鬢穆穆他生福慧今生苦請對丹青子細參

題法梧門祭酒續西涯十二味畫冊

松勢如雲影半街舊居新署小西涯買鄰金少園堪

據繞屋花深夢亦佳身悶塵勞知淨業詩通禪悟欲  
清齋去來偶造閒因果雲付人天各寫懷

十月晦

陽月晦日巳未星栩栩飛如雨月之朔日辛卯日有  
蝕夜皎皎月之望月之蝕三光微純陰實

冬月八日夜雪獨坐

冷絮霑泥淡不驚空堂風雪月三更虛燈燄綠人如  
佛長劒光紅世有兵八口此儺無上策幾年戰瘡留  
西征季鷹好爲蓴鱸去莫更躊躇四海名

畫馬

居然一顧與千金幾載恩從參養深玉柱銀鐙特矜  
寵性奇終有不羈心

送石琢堂殿撰出守川中

舉國談經濟艱難有用才宦情誰竟淡民命絕堪哀  
傾郡權尤重酬恩世轉情今心行古意生面仗君開  
世論爭中外君尤第一人天心無厚薄臣志必經綸  
地遠羌髡雜時危戰伐頻兢兢寬猛濟風俗半澆淳  
戎馬川東北刀韃滿故鄉送君臨祖道勞我夢疆場  
獬犬驅難盡哀鴻聽可傷瘡痍先撫字何必問豺狼  
倘許參戎幄韜鈴指顧中因人無上策專命立奇功

算勝寧違衆民勞易教忠志高天不限能事卽英雄  
交久如昆季同流不異源塵勞多鹿麕丰采獨軒軒  
別思縈今夕詩情達故園看君行實政媿我只空言  
馬秋菊前輩賦秋菊酒甕船山酒瓢二詩見  
示欲以漢印易瓢予意且欲并得甕焉依題

分和呈秋菊

肘後佩大印不如酒一瓢醉鄉無俗累飲水都超超  
香椰况神物溫潤踰瓊瑤甘和辨百毒清淺容三桂  
斑纈黝于髹浮筠如有臙範合異金土天地其鑪窖  
化人皆自貽知我腹久枵胸高賸傀儡一勻時當澆

復慮狂葍狂逢場增叫跳寓意若監史欲捧心搖搖  
糟邱設飲器童殺誰相調珍如青田核書銘不忍雕  
終虞鬼神奪祕密懸諸腰通靈或杯渡載我升丹霄  
水證無漏果常赴金仙招

秋葍酒甕

韓勸王背  
鬼軍所用

潭潭韓王甕乃爲秋葍有心知酒瓢配何緣落吾手  
得隴古所戒神物要須耦讀詩想形模欲見空搔首  
先生非將才鄙人子房後先生非酒人酒名我已久  
物情各有宜埤乾尙叱咤歡然或持贈殊錫勝尊旨  
西師方喧闐屠戮到雞狗酒酒憂故鄉長劒爲龍吼

心薄符離戰魏公吾所醜  
斬王不再生憂忿鬱難剖  
時無英雄人談兵甘絕口  
醉騎長耳驢抱甕能歸否  
懸想背鬼軍此中有神守  
仰天呼烏烏意更不在酒  
謝戴東山吉士餽茶菊熏肉卽和來詩不步

韻

飲食因人分雅俗此生忍負便便腹  
手捧君詩胃已開杭州黃菊蘭溪肉  
君才迅利發五羝君詩高潔霜中花  
清茶淡飯從吾好且對齊桓歌木瓜

題畫

墟落人煙帶曉霞夕陽偏照梵王家  
高低禿柳溪干

折遠近寒原路幾叉霍霍飢鷹盤古戍茸茸冷蝶抱  
秋花三間農屋書難借正好柴門到酒車

戊午小除夕方茶山

體

比部招集適園重舉

祭詩故事茶山屬余畫賈長江祭詩圖約同  
人歌詠之圖成先爲題句

閻仙遺像渺難追便有黃金鑄阿誰似我獨知真面  
目爲他重撰古須眉忘形好友爭詩派彈指華年助  
酒悲祭罷憑筵還借問僧敲猶恐勝僧推

巳未

送伊墨卿出守廣東

羊城遙指佛桑花  
五馬南行道路賒  
但使清名傳海  
外勝題佳句遍  
天涯韓蘇縹緲  
空懷古嶠安閒  
早放衙防我要求  
勾漏令煩君先  
爲覓丹砂

已未正月十八日紀事

金穴銅山意惘然  
凝羊入肆尙流連  
九原添個尋常  
鬼可惜黃扉十五年

題李虛谷編修如錄書扇

地下李虛谷傷心  
誰往還大名驚鬼  
錄佳句在人間  
蘭杜偶然採蓬瀛  
何處山扇頭重一  
面感舊淚潸潸

新綠三首和澗曩



一番生養仗東風春暖春寒總化工雪影未消千嶂  
白杏花能放幾枝紅靈苗毒草心無定冶葉倡條態  
不同我爲繁陰求碩果綠章深夜拜蒼穹

枝頭紅退煖生煙萬葉彌縫樹影圓萍意要融三尺  
水林光未破一聲蟬花曾弄色真如夢鳥盡能言更  
可憐莫負東皇新雨露韶華難遣是今年

氣轉園林草木香怪他松影只尋常枝高又集爭巢  
鳥根鉤空遊遯佛場好闌荆榛添種柳漫誇桃李勝  
栽桑青青誰玩孤生竹葉底微吟黯自傷

題書

老樹如船出斷崖  
雨涼濃暈一身苔  
三秋果熟無人采  
時有山猿抱子來

己未四月作

漫誇稽古又桓榮  
簪笏難歸舍衛城  
佛老空談皆道統  
詩書捷徑總虛聲  
至今家國恩無補  
畢竟神仙學未成  
責望深源人自錯  
時名原不繫蒼生

船山詩草卷十四

船山詩草卷十五

遂寧

張問陶

仲治

已庚集

已未

已未四月二十一日自賈家衚衕移寓橫街

作

青棠花又發小住一年餘官冷原流寓身閒更卜居  
貧方知簡易達豈信孤虛家具驚鄰並新書滿後車  
屋小清無暑風棚卷夕陽酒煩貧士賀租累故人償  
齋閣疑新夢干戈凜舊鄉枯吟增感歎詩筆漸頽唐

祝蘭坡侍講曾觀察陝甘屬題山寺讀書圖

卽以贈別

書聲蕭寺遠舊夢尙追尋山寫圖中看詩攜馬上吟  
談兵須放膽經世要平心早晚勲名遂旃檀正滿林

贈椒畦

面目太顛顚肝腸空鬱蟠故交情落落新淚話漫漫  
雅操古琴軫閒身秋竹竿炎天風雨急相對不勝寒

崑山朱貞女詩

許諸氏未嫁夫歿

出門事舅姑八門事父母惇惇未嫁身豈獨爲夫守  
父母無男妾男子匹如祿養求甘旨舅姑思兒妾兒

友後堂猶足謀觴酒兩姓好終合三生緣更長憑棺  
不灑淚大義何堂堂諸生諸生竟冲舉九京可作神  
應許我頌奇操氣亦振冑爲兒女傷心語吁嗟哉丈  
夫女

題堊雲畫

空谷自有聲眠琴不須撫風泉夜泠泠疑是山精語

椒畦歸崑山

櫻桃花散且勾畱潦倒城南訪舊游交人竟無詩可  
贈人高漸覺畫難求看山此去尋梅福具草何時薦  
馬周莫指垂楊彈別淚中年身世不勝愁

贈蔣塘明府

帶印三年別夢長  
重攜琴酒過虛堂  
蕭疎風味猶寒  
士冷澹交情是古狂  
醉語溫和皆縣譜  
妙書端雅在  
醫方燈前莫話悲歡事  
我已身經百戰場

塵勞有暇便招尋  
夜粥晨炊酒共斟  
婢僕也諳君笑  
語參苓常爲我沈吟  
偶摹畫稿矜高格  
重檢詩囊見苦心  
莫歎京華易顛顚  
相看無事卽山林

題蔣塘畫

落筆便高雅知君天趣多  
閒情驅草木古色照關河  
小扇花爭笑長箋水欲波  
畫禪參定久師法在維摩

謂也

重遊尺五莊

老樹知興廢新堂又落成  
衰榮看柳色苦樂變禽鳴  
花石中人產煙雲過客情  
匡牀容醉倒塵夢莫分明

題朱礪東

成

湖山草堂圖

君山蒼秀莫釐青  
來往人閒兩洞庭  
吳楚秋容都淡遠  
江湖清夢卽仙靈  
酒迎蘭芷低頭笑  
詩讓魚龍掉尾聽  
擬謝塵勞攜手去  
夜堂明月共溫經

張子白

若采

同年屬畫駱駝戲題一詩

醉後相看笑且歌  
不圖名馬畫明駝  
一原豐草含情

對終比牛羊嫉媚多

王叔畦畫天台觀瀑圖

塵勞空逐逐畫裏看天台我欲凌風去君曾曳杖來  
瀑飛明月動人語亂山閒擲地聽金石丹青有賦才

和朱礪東

成

黃谷音

鏞

見投元韻

二君皆洞庭山人

吟情已斷手空摩慚負詩人一再過才退方知搜句  
苦曲高從此讓君多身如大夢拚沈醉曾有危言敢  
放歌話到湖山同媿悔遠游冠影正峩峩

已未初冬偶作呈劔壘味辛壽民金溪并寄

亥白



恐作傷心語因無得意詩  
禮須緣我設名漸畏人知  
淨業修難到時宜合已遲  
幽窗誰晤語瓶菊雨三枝  
懶尙迎殘客貧猶養病奴  
身如前日死心對衆人孤  
戰地家千里浮生酒百壺  
黃庭還默誦一字一真珠  
我恐成傖鬼人疑是謫仙  
浮名消百福多累逼中年  
悔客身先覺猖狂世已傳  
茫茫隨浩劫塵海一虛船

送陳樹齋

大用以守備從軍陝西

重理團花舊錦袍  
秦關西望瞰雲高  
曾膺蒲穀恩原重  
不露韜鈴氣自豪  
報國未嫌儒將老  
還鄉敢道戰功勞  
歌饒早晚同攜手  
笑解戎裝看寶刀

送李墨莊鼎元前輩出使琉球

使節中山遠威儀海外看  
星光開浩渺風力助平安  
波靜揚帆易天空下筆難  
銜將君命重莫作壯游  
觀

仙境三山雨恩榮一品衣  
尋常輕地險咫尺奉天  
威紫鳳迎舟拜黃雲擁  
詔飛歸來話滄海把酒更  
依依

小林屋圖爲韓丈旭亭題名是升

家乘丹青補披圖感廢興  
煙雲今古變堂構子孫能  
詩境山孤立書香屋幾層  
莫須悲舊劫雛鳳又飛騰

明宋忠烈公殊卷冊公裔孫湘屬題

風檐開卷氣縱橫想像凌雲筆有聲先輩時文猶載  
道衰朝急務盡談兵譙樓碧血傳忠義場屋青燈寫  
性情養士恩深圖報勇古人原不負科名

仲冬二十日壽門弟偕從弟謙之自泰州來

京

聞君在江國何意到神京見面愁翻劇驚心賊未平  
亂餘仍骨肉貧極且功名莫損風雲氣同仇合請纓  
托足幾無地求官忽有賞莫辜親串德虛過盛明時  
蓬鬢憐兄老亥白春衣負母慈相期謀祿養同補白

華詩

臘日得亥白兄書知歲內奉太夫人移居成

都寄詩四章志感賦荅二律並示壽門

潘鬢逢秋又悼亡

嫂于八月下世

怪來詩興日積唐移家草

草安慈母點筆寥寥寫戰場勞苦中年增幻境飄搖

諸弟更他鄉思君自撥寒爐火病倚殘書罷舉觴

詩不驚人酒不爭疎狂收取十年名佛空未易忘衣

食兵在無從計死生米賊難除雲棧陡鄭公初去雪

山輕浣花小住非長策早奉庭幃賦北征

題王子卿舊夢軒圖

詩酒情懷漸不支  
顛狂飛過少年時  
今心似鏡磨逾  
冷舊夢如煙散  
已遲丹鼎有緣悲  
浩劫青雲無興結  
新知因君自寫  
題唐語又放空花現一枝

懷稚存

無詩無酒氣縱橫  
誰指伊吾問死生  
萬里風沙悲獨  
往舊時李杜媿  
齊名是非終向平  
心得毀譽徒勞衆  
口爭落日安西凝  
望遠浮雲難掩故人情

已未歲暮述懷

塵緣逐處損天真  
衣食勞勞厭此身  
那有長才修信  
史媿無餘祿寄  
偏親名場悔嘔胸  
中血戰地曾逃劫

外人萬事驚心憂患後向來祇解歎清貧

言路宏開又薦賢詔書才下萬方傳閒官無分酬初  
政舊硯重磨補少年默數河山因畫地暗修行或  
生天旁人莫訝豪情滅我本蓬壺一散仙

幾會長揖謁公卿賓刺過門懶送迎獨驗鄉書悲殺  
運漸收詩卷避時名文章虛譽甘埋筆家國沈憂望  
洗兵將相已聞寬大詔膚功早晚慰蒼生

青史重播意不舒打窗風雪涸寒初孔光只解談經  
術趙括安能讀父書尙有罪言懷杜牧都無生氣惜  
曹蜍君恩難望庸人報何日烽煙一掃除

題贈詩圖送趙莚畦客客同年之官閩中

長笛詩人趙倚樓  
頭銜花縣亦風流  
功名小屈增才望  
文酒無拘且宦遊  
有筆好吟新樂府  
此官原敵古諸侯  
輕裝未束先惆悵  
笑待雲箋次第投

連日風雪大作除夕與壽門小飲

萬里憶偏親  
澆愁酒不春  
勸予猶有弟  
經世恐無人  
積雪連新歲  
哀鴻想舊鄰  
隱憂家國重  
何日靖氛塵

庚申

初春寄懷外舅林西厓先生時因病解任居成都

船山詩草卷十五

西蜀安危嚴鄭公籌邊心瘁竟成翁軍儲屢護恩  
終報佛地曾遊念早空病起焦勞難獨任老無倚傍  
見孤忠方平遺愛乖厓膽還是吾家氣味同

三十餘年愛蜀人掄揚我忍避私親自畱公論傳干  
古早被沈憂困一身官到相忘兼父母盜猶知感況  
婚姻似聞喪病縈宸念遙爲西南惜此臣

錦里懸車暫養疴賦閒何必定嚴阿三川治譜功長  
在一卷名經味已多家計不曾畱片瓦色身原擬是  
頭陀急流勇退臣何敢午夜焚香願止戈

蓬門花徑互逢迎同賃新居倚少城人境十年應一



變世緣重想似三生  
弓刀破賊羣公事烽燧連山故  
國情夢繞七星橋  
畔月蟾光分照兩家清  
時亥白兄亦奉母居

送外舅周東屏先生奉使川陝祭告嶽瀆

嶽鎮西蟠位望同  
百王陵寢半秦中人來弔古心猶  
壯帝命升香氣早通  
臘雪全消關柳綠春旗遙映  
隴雲紅金天月朗應回首  
曾駐輜軒爲采風  
已酉典試陝西

江源西報禹功長  
星使居然指故鄉  
飲水也明

主賜題橋應笑古人狂  
春輶問俗新持節  
畫錦傳家

舊有堂

文恭公舊

宰樹英靈容展拜

恩輝分照七

賢岡

時奏請同治省墓七賢岡文恭墓地也

蜀壘秦關次第過更穿西楚聽鐃歌  
巖疆祇惜彫殘久勝算原非議論多  
幾處桑麻歸父老到時烽埃息  
干戈長途檢點昇平頌風煖彤墀想玉珂

官勛吟鞍逐處畱身閒真恨不從遊行  
滕久已輕千里詩筆猶堪寫數州  
宦味漸因中歲減鄉心遙爲夕陽愁  
待公歸訂皇華錄細檢名篇一唱酬

題溫遊圖送尤二娛

維熊

之官雲南

細路蠻煙萬里行杜鵑花裏鷓鴣聲  
才人遠宦增奇夢小婦從遊補豔情  
微外青山杯底活江南紅雨鏡

中生錦囊他日傳新詠幾許弓衣繡得成

正月九日邵壽民三十初度同人小集橋東

草堂

珍重華年愛此身擔花攜酒頌詩人無量壽縱輸仙  
佛有數才能動鬼神綵筆未焚聊翫世朝衣不典爲  
娛親黃金有練長生藥檢點壺觴日買春

送壽門弟分發浙江主簿

時難何處說功名能到西湖福已清年富正堪爲世  
用官卑也要念家聲東南人秀師資廣丞尉身閒去  
就輕烽火鄉山歸不易蒼茫無計遣離情

作畫自題

竹窗風雨翠微閒  
我亦曾經學閉關  
一涉塵緣歸不  
易故鄉閒却舊青山

題畫

已疎吟詠懺時名  
猶有閒愁逐境生  
學弄丹青消白  
日此中多少舊詩情

庚申二月十八日聞賊以正月自定遠過嘉  
陵江由蓬溪擾遂寧兼及射洪鹽亭三臺樂  
至諸縣

談虎聲低亦變顏  
驚聞烽火照鄉山  
親裁稍幸移家

早劫大方知出世閒誰撒江防輕蟻穴自傷歸夢泣  
刀環亂離那及紅襟燕故壘銜泥尙往還

仰屋深宵迨自哀一官如爲避兵來看春眼冷疑天  
象弔古心灰哭將才事有難言空抱膝命無可用且  
銜盃東風何苦吹塵世鬼面奇花處處開

指揮隨意說三巴啞啞渾如白項鴉人盡談兵真有  
口我方憂世已無家竟拋庸蜀天應悔不信孫吳計  
總差廣坐吞聲聊斷酒傷心何處問桑麻

誰言閱歷更須深十載浮生變古今幾處飄搖憐骨  
肉向來游戲說山林積尸列柩何勞罵狡兔封狼未

易擒束手自愁無死法金經一卷耗雄心

聞遂寧兵警邵里作詩相弔並寄懷亥白成  
都依韻酬謝

豕突鄉間次第開一家人悔不同來感君有禮驚相  
弔惱我無言隱自哀難辟妖氛悲故里能成殺運讓  
庸才祝宗祈死天應許駒隙流光莫漫催

移居草草錦官城風鶴遙知夜有聲經世才難空弔  
古思親心亂忍談兵窗搖短燭愁看劒烽起連江夢  
築營聽雨對牀虛舊約東坡他日是餘生

題畫遣懷

秋冷人如鶴深衣坐水窗疎林紅一樹新雨綠連江  
樵響嵐光破潭分塋影雙邨童沽酒得歸路認魚樵  
何處尋佳夢山僧借竹牀爲花成蛺蝶有水卽瀟湘  
坐月春衣溼磨雲古研香野人無上客隨鶴步虛堂  
廟古神無像山春樹有姿仙書人謾讀花事鳥先知  
牛屋寬畱客驢鞍穩賦詩翛然謝纓冕閒過太平時  
一嬾堪終古詩來興偶豪杯心孤月動鞦底亂山高  
寺隱飄鐘梵林寒露枯椽著書閒自賞清辯亦滔滔

二月二十五日 午門坐班見白鷺

松梢擎白鷺風格最翩然愛汝仍孤立相看已十年

曉鐘依禁鑊春水夢陂田嬾逐宮鴉隊高閒自往還

小游仙館排悶雜詩

夜殘猶戀讀書燈睡起依然入定僧似與古人交漸  
厚不知當面容何能唐花韻少難禁看詩草愁多嬾  
再謄欲畫鄉山仍撲筆東川戎馬正焉陵

饑來驅我寄京華安頓琴樽尙有家鄰雅每貽宮法  
酒春濃偏夢戰場花十年冷宦身孤立五夜閒塗手  
自歎幽憤填胸悲獨語輓轡腸轉飯難加

歷劫誰完了因身家瑣屑枉勞人欲修丹竈先嫌  
壽不作黃金久愛貧水過險夷仍淡定月憑圓缺總



清新薤鹽笑逐妻孥隊轉勝空王避轉輪

陳陳青史厭雷同食譜醫方技偶通味毒枉加和事  
草病奇難治應聲蟲鹽梅有用休輕試鍼灸無傳恐  
誤攻人壽幾何私歎息祇將微命倚蒼穹

超海移山事本難金城孤守要龕完攢眉獨避東林  
社父手誰登大將壇雪涕人曾分半芋脩心誰更有  
元丹神仙令僕隨吾分甬與頑空一例看

酒徒隨意寫屏風妙手人人抵化工碧水丹山招隱  
逸奇鷹惡馬狀英雄頑雲吸雨蛟宮黑芳草承花蝶  
路紅一室居然羅萬有養閒終日下簾櫳

五年鄉夢擾干戈，慙媿書生暇日多。  
野渡驚心排戰格，破窗傾耳待鐃歌。  
偶開梵夾供禪悅，強對華筵制酒魔。  
不敢逢人輕問訊，浣花風月近如何。

舊詩刪罷未全焚，難後名心退幾分。  
愛我惟應祈速死，相知誰可定吾文。  
林荒不礙孤生竹，山厚從無一色雲。  
別有臯言吟詠外，談兵愁煞杜司勳。

肩攜長劍謁諸侯，嬾折花枝上酒樓。  
老樹低頭知我傲，流鶯深坐替人愁。  
頒來清俸官如鶴，養就雄心氣食牛。  
常笑百川東下急，刪丹水弱自西流。

春草迎簾綠幾層，牀安小几靜中凭。  
閒繙稗史增奇

策偶檢儒書總上乘打劫基來難坐隱通靈符在或  
飛身愁人偏有游仙夢任是黃鸝喚不磨

自磨心鏡照塵寰戈馬如雲苦未閒剩有一燈參定  
慧恨無九鼎鑄神姦鄉書幾疊封愁去戰士何年破  
賊還回首先廬空悵望杜鵑啼遍舊青山

雪泉圖爲曹雪泉題

撲面泉香冷窗虛雪有聲林巒真淡遠樓榭小經營  
出世人原少披圖氣已清我家豺虎窟歸夢萬山驚  
上巳胡硯農戶部招同趙味辛邵壽民兩舍  
人汪劒曇助教張子白大令許鶴汀孝廉出

右安門草橋僧舍修禊歸復飲于硯農寓齋  
分體得六言分韻得潭字

飛放泊西芳草豐宜門外風潭春爲遊人著色有心  
摹倣江南

人似竹林合傳地如印渚清談不許蘭亭千古庚申  
三月初三

斷酒

止酒人驚勇斷憑空放下屠刀長鯨吸川不動明月  
披雲更高

一日不醉不可千日不飲何妨胸中自有真意錯被

人呼酒狂

上巳草橋僧舍同人修禊感懷有作

三月青陽氣不舒人煙清冷杏花初時當春禊聊觴  
詠家有兵裁未祓除溱洧風情寒似水瑯琊經濟掩  
于書愁懷嬾問閒蜂蝶暫借空門證六如

三月四日雪

滿裙春欲暮冷雪尙沾衣草木埋生氣龍蛇逗殺機  
簾開冰又合巢折鳥孤飛不忍添爐火西南未解圍

卽事

紙上談兵壁上觀立言先慮立功難看人連臂辭蓬

船山詩草卷十五

十四

島未敢輕彈解牙觀

三月初九夜聞雁

春城街鼓靜一雁忽秋聲撲瓦低飛急呼雲舊侶驚  
雨涼風四合影過月孤明喚醒勞人夢鄉山未洗兵

春暮紀寒

春衣閒未試圍火御重裘酒斷愁禁夜詩悲誤感秋  
天心謀轉急金氣備難收草木仍荒落蒼鷹欲下鞬  
子白旣選浙江新昌縣旋調甘肅鎮番假歸  
江南將安置妻孥隻身之任作詩贈別並勸

攜家

誤喜看山入剡中甘涼翻調太怱怱談天久已輕裨  
海失馬何須擬塞翁砂碛民風迴露雨鶯花詩筆變  
英雄西行爲問長流客戈壁郵書一雁通

欲唱陽關暫入吳南歸草草寄妻孥才人家計如鳩  
拙絕塞官身比鴈孤愛我同心猶骨肉疑君小事尙  
糊塗焉支山下多顏色忍聽離鸞一曲無

去年爲子白戲畫駱駝一幅今年卽有鎮番  
之調涼州地當絕塞駝其素產也然則我輩  
一動念一舉筆皆煞有關係可不慎耶復題  
一絕誌之

卷一 三  
三  
弄緒奇情亦偶然那知遊戲露機先從今點筆成圖  
識畫外兼收賣卜錢

清明胡夢湘

櫻

招同味辛壽民金溪鶴汀

許

廉會

南薌

吳君文徵

小集夢崔軒餞子白分韻得

遲字

宵寒情話緩銜鼓亦遲遲離緒杯重把春光柳一枝  
萍蓬憐酒伴風雪誤花時漫疊陽關曲塵勞鬢有絲

題畫

簪蒿裘布曉妝新不隔青山望比鄰破袂縐兒驢背  
穩香車寶馬是何人



殘軀賸瓦補衡茆人北竺離一倍高生子生孫知幾  
輩較他華屋定堅牢

神仙眷屬總清貧草笠芒屨別樣春隨著四嫂孀子  
後要防楊朴是詩人

稻香吹過水聲來野樹無行遠近栽不費一錢風景  
足萬金何苦築樓臺

贈戴金溪比部同年

敦元庚戌進士癸丑補  
殿試改庶常乙卯改

禮部旋  
補刑部

蕭散君尤甚官身物外身似無經意事誰料有心人  
醒眼神如醉秋曹氣不春敝衣汗更稚樂託見天真

澹定觀書眼如風萬卷過心通無著作技小亦搜羅  
半日牀禁睡終年墨嬾磨兒時傳厚秀慧業本來多  
冷淡官頻改酣呼氣亦雄詩名甘我讓酒過與君同  
挾友存危論明刑慕古風疎狂屬年少身世本清通  
補戊午巳未四友挽詩

王香圃上舍麟生

荊町太僕長子戊午卒于江陵葬雨花臺畔

故人宿草徧秋墳同是華年忍弔君入夢有魂疑黑  
塞蓋棺無淚哭青雲酒杯誰更飛三雅詩筆曾經張  
一軍爲我謀生心不死靈牀遺札尙懃懃

謝康侯兵部生晉

福建人官四川彭縣內升都經遷兵部戊午卒

于京師

幾人憐汝謝康侯生就龐眉只鎖愁  
苦信青囊終自誤欲鈔金匱爲君休  
一官中外浮沈過八口妻孥散漫畱  
丹旆東歸無恙否關山空築貯書樓

羅雨峯山人聘

已未卒  
子揚州

畫鬼今將柰鬼何姓名猶擬附閻羅  
歸心原愛揚州死祖道難忘易水歌  
無等咒從塵海得必傳人是布衣多  
小詩也似丹青好不逐煙雲瞥眼過

陳肖生典籍嵩

如皋人工畫官衍聖公府  
奎文閣典籍已未卒于家

腹少詩書氣亦華頭銜曾隸魯東家  
貧猶好客錢無

塊弱不生兒婦已髭蛾翠心傷千尾竹猩紅手孕萬  
枝花平時畫稿應畱殉好檢名山葬碧霞

碧霞田  
在如皋

田居園爲吳穀人侍讀題

笑解朝衫學荷鋤草鞋歡跳鬢蕭疎童心宛似逃村  
塾牛角何須挂漢書

飄然一笠雨中過應比儒冠受用多開口莫談官裏  
事吳音高揭唱山歌

膠牙卮酒不須沽醉到瞢騰夢也無宦海名場都傾  
略才知高雅是農

何處桑麻許治生無田聊向畫中耕掀髯乍作逢年

想紙上軒渠笑有聲

東川無地把鋤犁回首鄉雲動鼓聲正憶往時冬水  
足山田層累望如梯

塵勞隨分且支持北馬南船又幾時那得團欒坐農  
屋春風泥飲和幽詩

### 天橋春望

種柳開渠已十年舊聞應補帝京篇天橋南望風

埃小春水溶溶到酒邊

渠開于乾隆辛亥

明波夾道且停車人爲臨淵總羨魚塵外濛濛千樹

柳隨風綠到第三渠

第一渠近天橋第  
三渠至永定門下

船山詩草卷十五

大

城南車馬太怱怱  
念壇樹擎雲返照  
紅幾箇閒人臨水  
立任他疑作信天翁

偶理案上書帙各題一詩排悶

無儒無釋況神仙  
妙論憑空寫自然  
讚到猶龍猶恍  
惚後人何處畫元天

道德經

遺經賤注要功臣  
訓詁何妨竟等身  
只有詩情難甚  
解莫尋章句累風人

詩經

河圖傳世祖陳搏  
太乙原同卜筮看  
不信緯書宗緯

學宋儒都被道家謾

周易河圖

五百年來亦幸存  
可憐傳習爲時文  
誰知仙佛書千

卷只在微言悟幾分 論語

罵佛顛狂佞佛癡妙心難望俗人知看他塵海翻身

苦正是如來默坐時 四十二章經 遺教經

手熟名香寫道經陰符鈔罷又黃庭勝看才士詩文

集播弄天機損性靈 陰符經 黃庭經

勾漏仙人老著書當年自命亦文儒精通萬法無遺

憾不在開山幾道符 抱朴子

靈秘生開衆妙門氣通天地一身尊軒皇醫命臣安

命肯向麤工問草根 內經 素問

天外徒誇更有天此中名象轉茫然偃師枉費無窮

巧膠革登場亦可憐

銅人鐵灸圖式

中五小明象握奇俗書傳誤寄坤維兵家小試神通

法終仗人謀自出奇

遁甲書

穰苴遺法卽陰符從古英雄氣不籠自笑書生百無

用一燈清冷讀孫吳

司馬法 孫子 吳子

事歸青史論多偏還是文章妙可傳治亂陳陳都勞

髯眼光橫掃二千年

史記 漢書

三月二十四日五鼓自宜武門沿城濠至正

陽門車中作

五更縹渺禁鐘催此是朝參第幾回萍小易隨波上



下雲高原許鶴徘徊雞聲破曉月初吐馬色衝寒城  
半開濠外人家三里夢女牆影裏一車來

夢禪居士過訪

虛堂灑埽一清新鎮日揩摩几上塵代枕書惟高士  
傳敏門客有列仙人敢來柱下充官隱漸向花前悟  
色身韶景莫教鶯喚去碧桃開滿十分春

題彭井南

昭麟

校官秋林射獵圖時選廣東

陽春縣卽以贈別庚申四月七日

連年羣盜蹂川北豺虎如麻擒不得南江鄉縣古難  
江大小巴山尤逼賊泮宮先生非腐儒推書夜起摩

頭顱手麾士兵出鬢序毛錐一擲持軍符臂弓腰箭  
騎生馬指點旗矛氣瀟灑赴急聊分將帥權酬功敢  
望丹青寫是時賊勢猶初闕果有神機謀必中至今  
遺恨方山坪連營坐守甘心縱書生有才合無命重  
圍不死非天定一隼摩雲衆鳥驚沙場終仗人謀勝  
解甲歸來苜宿寒經師論俸偶遷官珠江南下銅章  
好重撫良民定不難征袍舊染血模糊九天清問曾  
傳呼逢人那更談軍旅聊寫秋林射獵圖嗟予落拓  
依京輦伏枕思鄉愁不展惡氣旋胸裂有聲夢中蛇  
鳥燕空演嘉陵滄江西復西春來處處增危機家山

破碎親朋少忍送雙鳬海上飛

遣悶絕句

名箋五色卷奇光束筍如林又滿牀顛倒一枝書畫  
筆閑門轉比夢人忙

月夜卽景

夜殘如夢坐虛舟紙帳無風且上鉤手拓南窗清不  
寐一方明月印牀頭

四月十七日夜風

猛風吞六合終夜氣不展晨興視庭除新枝落如翦  
嗟汝千章木經年生意淺臘盡冰刀懸春回雨膏外

奄然及初夏努力破偃蹇翹翹未死心如雲幾舒卷  
是豈望天年根深機尙轉無雷強甲圻青翠已龜勉  
一息起枯焦大材聊自遣萬物方恢台南薰蘇百喘  
那知長養餘摧折亦難免危哉造化權數與理愈顯  
柳屋聲蓬蓬推書不敢演

庚申四月間賊犯簡州毛海客

大瀛

刺史被

害

毛寶山人

模糊鄉夢慘無春情盡橋邊哭故人地逼成都憂不  
細魂歸兜率望如神久躔戎馬空才子果死疆場豈  
具臣何日西南收殺運爲君凝想一沾巾

曾騎笨馬出魚通耳後奇山萬里風崩雪埋頭心不  
死海客從征西域途中爲薄雪所壓遇厨人繼至以  
鐵勺挖出得不死同行數騎及所乘馬不及抹皆  
立僵呼盧擲帽氣原雄喜博詩留花月精神遠血灑  
豺狼際遇窮華表他時聽鶴語尙應回首弔沙蟲

題郊陽明府鄭青墅

大謨

同年詩集

有青墅讀史詩

卷十

夜擁牙籤晝擁兵登陴爭看老書生身從擾擾修文  
事水亦洋洋詠政聲氣蓋巖疆心磊落詩包全史論  
縱橫青山何日同歸隱點染鶯花寫太平

適園圖爲方茶山題

曲巷繞成谷到門車馬遲頓忘塵海客如見考槃詩  
石亂雨千點林高風萬枝市朝充大隱消受此亭池  
門逕誰經始名湮跡未湮古今皆過客花雪且留人  
考訂他年易須眉我輩真題詩傳好事圖畫一清新

題石君師梅石觀生圖

圖成于庚戌

兩朝遭際幾生修主聖恩明勝鄴侯肩被衡山僧  
冷笑十年功業要先酬

不脫芒屨現宰官披圖矜重著詩難天家禮待踰  
賓友敢與殘僧一例看

觀天常養氣如神玉籙金關秘此身輕詆丹經皆鈍

漢山林原自有真人

弟子心慕葛稚川破除愚悞望神仙清時未忍求勾漏  
儒道雙修內外篇

題畫遣懷

僧樓飛樹杪空籟靜中聞樵語落紅葉經聲留白雲  
渡閒孤艇仄山破百泉分仙藥尋常煮黃精刷幾斤  
秋色船窗遠江湖蟹稻時水平柔艣靜風善峭帆遲  
載酒糗千日逢山贈一詩向來經世想猶恐白鷗知  
出峽巴船陡穿雲棧馬輕病鷹巡古戍神虎瞰秋城  
山束英雄氣江吞戰鬪聲丹青摹不到開卷壯心驚

門掩孤花秀庭荒衆鳥閒世緣皆昨夢人境此空山  
青史名難信金經註屢刪借書無可讀虛費一鴟還

驛柳

驛樓潦草看春晴煙柳條條縮送迎落日漸收鷗背  
影夜風猶亂馬蹄聲青歸古堠偏無雨綠到窮邊尙  
有城曾是灞橋西去客不堪重憶亞夫營

旗亭何處挽征衣攀折頻年又十圍送別乍增中歲  
感封侯曾見幾人歸誰攜短筇留三弄不打羣鶯許  
亂飛惱我田園半蕪沒映門衰影故依依

一聲羌管起斜陽馬上人人說故鄉官渡春濃千樹



兩店門秋老萬枝霜征愁散漫憑詩卷  
閨夢纏綿接戰場比似章臺更憔悴  
長條無語自成行  
遠影濛濛散幾州不因離別已牽愁  
英雄氣動桓宣武諷刺情深李鄴侯  
今我簡書傷歲暮當年春殿想風流  
關山可有還鄉路蓬鬢相看易感秋

故博山公武君虛谷

僊畫象

黃小松見念鄉漢平狄將軍朱

鮑不室

壁鏤畫象中一人似武君因摹此

蜀之

時武君已歿其子穆淳來京索題

不放古經難字能鞭時相私人愛此書生  
強項借他石室摹神

面目寥寥數筆精神奕奕長生一千三百五  
縣皆如

此君太平

荅陳碩士

三江耆宿半交親公子華年筆已神  
但是通材都識面故應佳句必驚人  
詩壇奪幟誰名將瘼嶺探梅此化身  
我自低頭拜山谷鄉雲高處媿栽岷

鍾馗撫琴圖

大絃一聲飛霹靂小絃磔磔幽蟲泣  
夜黑何人倚斷琴山荒谷冷旋風急  
終南進士魁奇者潦倒科名本風雅  
憤血千年自吐吞尋常絲竹難陶寫  
七尺龍顙老生虺獮來鬼窟閒消遣  
變徵清商徹九泉如鍾士

指搗成繭人閒善手紛無數玉軸金徽渺何處醉脫  
烏韉髯怒張驚鴉飛上枯桐樹終南陰嶺深復深萬  
頭醜索誰知音老廬家法空天海肩負鍾期一片心  
江秋史 德量前輩摹靈宛泚小幅法時帆侍  
講借作詩龕圖屬爲題句

短竹長松各自奇豆棚花重不離披談詩縱使無匡  
鼎但對青山亦解頤

秋史才名秀一時雲巒畱收畫中詩通人零落今餘  
幾合貯仙龕好護持

題友人江鄉小景

江湖原自有閒人更有閒人爲寫真卹酒在壺魚未  
得釣竿隨意閣船唇

紅橋鉤映柳毵毵山是鴉青水蔚藍門外黃塵飛作  
雨輪蹄聲裏畫江南

渚抱汀迴柳萬枝扇頭無地更容詩畱題亂寫叢蘆  
上可似秋聲過水時

聞稚存赦歸先寄

伊吾一夕返驚魂天遣春風度玉門有詔得觀褒諫  
草無人申救見君恩全焚詩筆畱心血重製儒衣  
想淚痕小別經年歸未晚殘秋高枕夢江村

得壽門弟杭州書寄荅

已是錢唐第四書，尙無一語到西湖。  
妖氛未靖思親舍，世味新嘗駭宦途。  
放眼幾人知義命，安心有法要工夫。  
大家兒笑休輕學，此輩原來白項烏。

豪氣如雲次第收，喜君年少漸知愁。  
不經盤錯終麤漢，能守清貧卽上流。  
官雅何妨稱短簿，詩工還恐負杭州。  
功名原是磨人物，枕小無風且逗畱。

鄉書新喜到燕臺，兄老眞將奉母來。  
只待秋深巴峽穩，尙思東看越山開。  
傷心邱墓誰焚埽，揮手干戈且溯洄。  
道遠預愁機再失，題緘我已萬千催。

竹枕繩牀午夢清。年來觀世漸空明。官如流寓聊隨分，婦倘生兒亦慰情。遭社攢眉難佞佛，龍韜在手不談兵。東南舊雨思狂客，且爲逢人雪酒名。

閏四月奉 敕選翰詹三十人各書扇五柄  
五月復選十二人分書養心殿屏幅臣皆與焉恭紀一律

寫徧人間十萬箋。揮毫新到九重天。儘能收斂山林氣，敢擬尋常翰墨緣。扇摺湘綾香在手，屏開玉版絮如煙。蕭閒公事仍風雅，未負頭銜是散仙。

庚申六月寄亥白兄成都

時有奉母出川之意故作此決之

去臘移成都新正寇臨縣相距止五旬危哉爭一綫  
當兄別縣時憂貧未憂盜那知嘉陵江一夕遂騰踔  
親朋喂豺虎鄉閭火光燄時無保障材禍機胡可料  
春深寇復東來去如颺風家山重破碎白骨飛秋蓬  
一郡增萬鬼尸走涪江紅妖氛葬無界一氣橫綿潼  
側聞成都城呼號聲四起日進一萬人流民黑如螳  
新居幸稍定閉戶雜悲喜比似遂州城城堅差可倚  
書來眼生刺字字挺荆杞艱難念親舍何暇悲鄉里  
吁嗟殺運開四年猶未息平時耕讀人對面忽成賊  
凶頑危性命寧止避其色我往寇亦往其來猝難測

小人猶有母仰天呼偈仄三歎思故鄉亂邦留不得  
願假凌風翼浩然去此都買舟下重慶鼓棹趨夔巫  
平安趁秋水或竟浮江湖小弟官杭州相見應歡呼  
不然走荆樊急駕如追逋輕車來冀北尤喜無紆途  
憐茲反哺心翹羽尋慈烏百年一彈指後悔非良圖  
兄年過強仕一編空在手欲隱無青山安能薄升斗  
兄女未長成嫂歿新姬小生兒縱有數牛計難草草  
人滿錦城囂危巢復何戀蒼狗成白衣浮雲日千變  
豈不念松楸春蔬已遙薦誰家紙錢灰能向墳頭奠  
撫膺惟痛哭劫大無神算骨內尚幾人生存莫飄散



傷心原隰哀眷令猶急難此時治亂絲望兄真勇斷  
庚申六月遣懷雜詩

嬾架風棚氣轉清長空一日幾陰晴新苔送我山林  
色暴雨憑他甲馬聲史筆誰能無毀譽仙書好在不  
分明千秋靈鬼知多少佳傳神丹總未成

忍把吟編禍棗梨時名無據任高低詩箋應客多重  
寫畫卷堆牀每誤題牙後慧難追雅樂口頭禪偶借  
菩提神情都不關文字合爲東方傳滑稽

六月十五日喜晤李載園

相見忽今日神交已數年境疑幽夢醒人配好詩傳

把臂忘生客，徵心悟宿緣。  
銜杯方感舊，何處著周旋。  
月夜聽雨枕上作  
微涼侵枕夢徘徊，不借葵蒲氣已開。  
知有奇雲橫碧落，一窗明月雨聲來。

立秋日齋中坐雨

壓檐秋草映書幃，簾下新苔綠漸肥。  
喬木枝卷鷹早據，病蟲行仄蟻將圍。  
千蟬喝樹因風遠，一蝶馱花冒雨飛。  
檢點吳縣問刀尺，夜窗揩肘怯生衣。

題畫

林影千層入樵風，一逕深雜花春。  
淡淡微雨畫陰陰，

石潤古苔厚藤荒幽礪沈何當友麋鹿靈境試追尋

自題小游仙館

門揜秋花手自開此中能許幾人來書生清淨三閒屋不比黃金浪築臺

名山未訪學仙遲病骨迎涼瘦不支做盡文窗深夜坐手招明月照新詩

夢游無暇避孤虛倒鎖娜嬛飽蠹魚學製坡仙真一酒醉騎蝴蝶到華胥

題錢南園副使畫馬

錢公氣雄厚桓桓古遺直偶然狀名馬細意如鏤刻

開圖眼光靜僕御皆屏息想像閉秋齋沈心養風力  
拈毫慎一絲運墨成五色驂驪散不驕意態自超極  
公昔居諫垣錚錚有彈劾挺筆誅疆吏聲光辟邪慝  
狀貌稱魁梧衣冠謝綠飾大腹何便便兼人恣飲食  
書格顏平原圭稜捫不得豪情鄙杯勺大斗時在側  
神駒空其羣安能受羈勒丹青本游戲揮灑定奇特  
如何守斤斤觸手見淳飭乃知君子人樹立出繩墨  
麋材多債轅老驥必稱德伊誰墮惡趣賢者固難測

風木圖爲張八愚

桓同年題

八愚生踰年失怙又踰年失恃育于世母

世母寡無子撫之甫成立世母又歿鄭君  
存一作雙節傳傳母徐世母汪節烈事甚  
悉子讀而哀之爲譜入韻語俾邨女里姬  
咸克歌詠以起景慕卽題所繪風木圖後  
時庚申七月八愚知文安縣有政聲署上  
考痛二母不逮養故有斯圖傷哉孝矣

運蜨雙桐枝飛來雙白鳳汪歸伯徐歸仲伯無子仲  
有子孤雛呀呀雙桐死鳳兮鳳兮倏作兩黃鵠生宛  
若死手足寶此孤雛我生子育烈莫烈于以身殉夫  
難莫難于所撫者他人孤汪曰此豈他人孤伯氏仲

氏系此孤雛難哉汪烈哉徐貞魂亭亭猶聞哭聲青  
燈熒熒乍幽乍明徐賈生汪程嬰丈夫忠義大節死  
生異路同崢嶸烏巢兀臬母單子子霜風夜來門庭  
如雪孤雛眼瞿瞿書燈候明滅漉漉慈烏枝上血孤  
雛忽試飛飛遲歸轉促不見慈烏森森風木鶴駕鸞  
驂雲馳電遠彼天蒼蒼塗毒孤兒一何酷雙桐摧復  
摧雙鳳無時歸吁嗟孤兒蹣跚裴回非生非死何其  
悲父兮才名曾戴斗母兮貞毅同不朽孤兒何師師  
我九泉父母富不期量珠玉貴不求爲令僕受朝廷  
一官爲民司牧撫赤子汪可型炳丹忱徐可學周孔

書能薦福臨民如聽孤兒哭吁嗟乎官職聲名能卓  
魯此生祿養何時補風木圖淚如雨孝子神情長栩栩  
天高高哽無語

送陳蔭山舍人從軍陝西

我已厭談兵君今躍馬行營門多宿將戎幕幾書生  
望楚增奇氣歌秦想大聲陳言聊贈別詩態莫縱橫  
把筆參軍事因人事本難亂絲誰勇斷全局久旁觀  
傲骨期無懼初心赴所安戰塵思迅掃舉酒待歸鞍

送何蘭士侍御出守九江

驄馬還鑣領大州平分吳楚據中流江山形勝君初

攬詩酒情懷我舊遊花冷未迷陶令宅月明應上庾  
公樓匡廬坐對攤吟卷到日湖光正九秋

七夕分題得曝衣樓

穿鍼樓下花枝短穿鍼樓上衣香煖霞裾亂搭紅闌  
干曝向秋陽不須浣天孫亭亭雲錦裳月華曬影流  
寒光我家亦有支機石夜檢空箱怨刀尺欲涼未涼  
秋淡然西風拂拂吹吟肩笑披鶴氅凌虛起去享人  
閒瓜果筵

庚申七月懷鄉感舊之作

隴雲秦樹遠參差風雨西連怒特祠萬壑豺狼爭路



出五年戈馬立功遲鄉書未斷來無定戰地重尋夢  
不知細棧雄關長記想丹青難畫太平時棧道  
難繡西川百里圖向來天府是成都曾聞重鎮須環  
守不比當關仗一夫人滿此時憂米價兵殘何處走  
軍符英雄勝算謀根本回首蓉城氣恐孤成都

八月四日生第三女阿連

少女風來鳥自歌門闌喜事算蹉跎漸看齒髮中年  
改偏是虺蛇吉夢多肩和詩人輕弄瓦好爭兒輩學  
提戈紅窗小影參差長他日香山柰老何香山詩晚  
生三女擬  
何如

庚申秋聞分校卽事有作

同是論文境已仙  
槐黃回首十三年  
風檐曾壓英雄氣  
月地重修翰墨緣  
小隊自嚴新壁壘  
深居如隔幾山川  
升沈不敢輕搖筆  
此事分明擬薦賢

和聚奎堂壁閒前明王衷白先生韻

桂露高寒鎖院深  
今年重九罷登臨  
花留晚節逢新雨  
鶴上秋堂感舊林  
不信無人堪將帥  
最難因我判升沈  
騰驤冀野多神駿  
負孫陽相馬心  
魚龍搖影逼秋深  
結網重淵此乍臨  
開卷未能忘席帽  
下簾真似住山林  
拈來文字因緣雅  
悟到窮通意

氣沈莫笑虛船風易引採驪一樣采珠心

薦卷獨少書此解嘲

敢把常談厭老生也愁玉尺未分明關心恐有孤寒  
淚掩卷惟餘歎息聲自古薦才先器識幾人經世副  
科名簾前落葉紛如雨莫訝風霜太不情

聞中荅英照齋少宗伯贈句

少年清望已三台正好磨礪將相才家學君真能繼  
起師門我敢忘栽培詩奇遠播句驪國秋老同登市  
駿臺綠鬢相看科第早風簾把卷重裴徊

題汪夢巖

汝弼

聽泉圖時落解出都卽以誌

別

枉蹈槐黃志未成傷心戎馬舊書生從來售世文無  
據轉覺交鋒命可爭投筆又增中歲感聽泉遙想在  
山清眉間壯氣猶精悍可許攜銘畫裏行

梧門侍講筵上送秦小峴廉訪

情不關疎密乾坤此數人聲名看後世文字造前因  
政想湖山美恩叨雨露新憑君憶闕府儒雅定宜民

謂芸臺  
前輩

送莫韻亭侍郎奉使奉天

神皋佳氣百靈朝使節居然望九霄雲現虎龍隨玉

冊風迴花雪擁金貂  
奇山壓塞雄關緊  
落日登樓大海遙  
掄指王程歸及早  
驚人詩筆更超超

送汪劍潭司馬之粵西並送大竹

全泰  
竹素小竹

全德  
竹海

桂海遙遙萬嶺蟠  
此中遊宦比駢鸞  
境奇雅稱官人冷  
名重先愁吏隱難  
五馬殊榮應指顧  
百蠻舊俗本清安  
交情迴不關離聚  
曾有鷗盟結歲寒

環階玉樹早成林  
鐵網曾從大海尋  
隻手難提風雅局  
雙珠空費薦才心  
重來冀野應無馬  
此去牙生莫碎琴  
老鳳南飛雛鳳遠  
離筵相對幾沈吟

輕車衝雪指長途詩滿奚囊畫滿廚萬里功名窮百  
粵一家情景又三蘇才人遠宦貧難捄荒徼同遊興  
不孤矧鳥獍花遍酬倡好織奇語寄 皇都

喜彭田橋中式鄉闈作詩示同志諸子

斯人轉眼竟登科從此吾曹際過多看到題名爭踊  
躍生來逸氣不消磨誰欺書蠹無仙分我抵金鑊聽  
凱歌隔歲還珠猶在几夜窗呼酒更摩挲

田橋戊午京兆下第

畱落卷子  
齋中而去

庚申十月初入史館卽事

百年青史夢沈沈柱下聊安吏隱心秉筆自慙才學

識開編已悟去來今  
軟塵撲面驅疲馬  
故紙埋頭養蠹蟬  
觸目先臣佳傳在  
受恩原比衆人深

題夢禪居士山水畫卷

實境卽虛境夢禪眞畫禪  
世緣能謝否老筆更蒼然  
氣以中鋒健心從北苑傳  
茅檐安鼎鼐我欲鍊飛仙

漫興

星月閒閒夢亦閒  
雞聲催我到塵寰  
似聞古德猶持  
休肯信高人不買山  
萬里弓刀憂故國  
十年詩酒慰清班  
軟紅多處難充隱  
門外無車且閉關

庚申歲暮書懷

眞兒慈闈有報書全家十月去成都刀兵莽莽人須  
避菽水遲遲計已紆浮世最難忘骨肉行程猶恨繞  
江湖草心轉眼春暉煖小閣團樂酒一壺

時得亥白兄十月六

日奉太夫人由水驛來京書

那爲名山入剡中天南有弟尚飄蓬官卑且作浮家  
想才大終無奪命功塵海祇愁多聚散勞生何暇計  
窮通宦成他日同漁釣早買西湖地幾弓

壽門弟近以主簿署

嵯縣尉

閒官庭逕翦蒿萊好事如雲氣漸開三索何妨增少  
女五經猶幸得奇才轉愁入世身難挽頓覺驚人句



不來難向龍門爭史筆東華驅馬自裴回

八月生女  
又分校秋

開十月  
入史館

同朝名輩幾交親同作羶鑪會裏人詩筆動搖爭磊  
落食單塗改鬪清新塵緣且向閒中鎖奇語都從醉  
後真犀首祇堪無事飲歲寒相見莫辭頻

一笑楞嚴十種仙金經也是口頭禪滔滔萬象皆身  
外歷歷三生在眼前還處風花真作鬧憑空雲月是  
何緣逢人都說安心法可惜西來妙不傳

高寒燈火夜熒熒幾點梅花倚硯屏書失真傳疑遁  
申詩古吉語望添丁流光催我頭難白平等看人眼

易青婚宦十年心自遠  
有教止水不清靈

與鮑雅堂戶部吳穀人汪靜厓兩庶子法時  
帆侍講趙味辛舍人謝香泉禮部姚春木上  
舍分賦飲中八仙得李適之

左相好賓客  
萬錢撒如土  
慷慨稱避賢  
胸有李林甫  
功名老無媿  
佳傳亦楚楚  
仰藥彼一時  
銜杯自千古  
寄松嵐

東華修史愧虛名  
遼海題詩想政聲  
莫悵兩京相望  
遠雄關不隔故人情

卽事

未了根塵賸惘然十年遊宦當參禪  
一家僮媼空紛擾我已分明過眼緣

庚申臘月十二庚申日題葛稚川移居圖

已是中年悔少年孤懷頽淡託神仙  
向來氣蓋溫忠武從此心摹葛稚川  
破賊雄兵虛事業移居嘉耦尙因緣  
著書且了文儒局案上惟存內外篇

出世人原用世人早從婚宦悟根塵  
丹沙有託求勾漏青史無端配景純  
獨避勲名真妙手雙修儒道此功臣  
虛堂澹對仙風古我正躊躇未了身

船山詩草卷十五

船山詩草

卷十五

三